

Dr Gang i ds Kino

Text und Musik
Jacob Stichelberger

The musical score is written in G major and 2/4 time. It consists of four staves of music with lyrics underneath. The first staff starts with a C chord and ends with a C chord. The second staff starts with a G7 chord and ends with an Am chord. The third staff is labeled 'Strophen 1-4' and starts with an E chord. The fourth staff is labeled 'letzte Strophe Schluss' and starts with an E chord. The lyrics are in German and describe a man's experience at a cinema.

Es louft im Ki-no Stu-di-o e Film wo heisst "Der Rä-cher" dä mues i gseh me
6 lehr drum vil vo Gent-le-man-Ver-brä-cher ir Wo-nig lö-schi ds Liecht denn i gah us hüt möcht-is
12 gnies-se doch öp-pis darf i nid ver-gäs-se: d'Wo-nigs-nü-re z'bschlies-se Druf
17 ie-re denn s'dünkt mi i sött doch no schnäll ga d'Tü-re kon-trol-lie-re

Dr Gang i ds Kino

1. Es louft im Kino Studio
e Film wo heisst: "Der Rächer"
dä mues i gseh me lehr drum vil
vo Gentleman-Verbrächer
ir Wonig löschi i ds Liecht
denn i gah us hüt möchtis gniesse
doch öppis darf i nid vergässe -
d'Wonigstüre z'bschliesse
2. Druf wart i still uf ds Füfi-Tram
da ischs dür ds Himi gschosse
s'wär soudumm wenn i doch am Änd
d'Hustüre nid hätt bschlosse
voll Chummer louf i wider zrüg
um chönne z'konstatiere
dass d'Türe würklich bschlossen isch
warum de kontrolliere?
3. Und neu erwart i ds Füfi-Tram
doch hätt i schliesslech chönne
bim Kontrolliere vo dr Türe
nachär ds Liecht la brönne
zwar weis i gnau ds Liecht han i glösch
i chönnt e Bäse frässe
doch einewäg i loufe zrüg
und gseh - has nid vergässe
4. Vil z'spät chum i y ds Kino
und i häts sogar no gnosse
doch han i ächt bir Liechtkontrolle
nachär d'Türe beschlosse?
i cha mi i verzwyflen
uf dä Film nid konzentriere
drum louf i drus um wie dr Blitz
ga d'Türe z'kontrolliere
5. Jitz bin i gheilt denn gottseidank
es het mir vo der böse
Zwangsneurose mit vil Müe
d Dokter chönne löse
mys Liedli han i gsunge
und i mues jitz heipressiere
denn s'dünkt mi i sött doch no schnäll
ga d'Türe kontrolliere